

08.06. TUZLA

07.06. SARAJEVO

— POTRESNI DETALJI NESREĆE U MOSTARU

Porodica poginulog mladića tvrdi: Sipović nije htio upoznati svog sina

[f Share](#) [Tweet](#) [Reddit](#)

Objavljeno: 15.05.2017 - 20:47

A A A Times Arial



Potresni detalji o stravičnoj nesreći u Mostaru i panoramskom letu koji se pretvorio u tragediju, ne prestaju da pune stranice bh. medija. Među informacijama koja je odjeknula u javnosti nakon tragičnih vijesti bila je i činjenica da je među poginulim putnicima bio i 20-godišnji Muhamed Sipović, sin poznatog bh. pjevača i sportiste Zijada Sipovića.

Nakon izjava koje je tim povodom sam Sipović u nekoliko navrata davao u javnosti, redakciji portala Depo obratio se muž sestre poginulog mladića Edin Šatrović, profesor na Veterinarskom fakultetu u Sarajevu, ogorčen Sipovićevim izjavama, koji je, kako kaže, samo biološki otac 20-godišnjeg Muhameda, ali za njega "nikad nije želio da čuje niti ga je ikad htio upoznati".

– Ostavio ga je još kad je bio beba i Muhamed je odrastao sa majkom, a kasnije i sa očuhom. Međutim, Zijad Sipović više nikada nije želio da vidi ovo dijete, nije znao ni kako on izgleda, nije ga znao prepoznati na ulici, nije ga htio pozdraviti... Kada je porastao, Muhamed je želio upoznati oca, viđao ga je na TV-u, ali Zijad nije htio da čuje za njega. Nije plaćao alimentaciju, nije učestvovao u njegovom životu, on mu je samo biološki otac, što potvrđuje i dječakovo prezime, ali Muhamedov pravi otac, onaj koji ga je odgojio, je drugi čovjek, ogorčeno govori profesor Šatrović, te dalje navodi:

– On je u Mostar otišao sa advokatom i svojim bratom Mirsadom Sipovićem, i to ne bez razloga... Nezvanično sam saznao da od Tužilaštva BiH sada može da traži i odštetu zbog pogibije sina, kojeg nikad nije htio ni upoznati. Zato imam potrebu da reagujem, zgrožen sam... U svemu ovome, u tragediji koja je sve nas potresla, Zijad Sipović je posljednja osoba koja ima pravo da se oglašava u medijima i eksponira kao otac ovog nesretnog mladića... Muka mi je od javnih ličnosti koje se po medijima predstavljaju sa moralnim dignitetom, a daleko su od toga!

Muhamed Sipović živio je u Mostaru sa majkom i očuhom, Dženanom i Nevenom Popovićem. Majka je po zanimanju stomatolog, a otac oftamolog, i oboje su kao ljekari bili zaposleni u Općoj bolnici "Prim dr. Abdulah Nakaš".

Prvih postratnih godina odlaze u Mostar, gdje je dr. Neven Popović dobio bolju ponudu za posao, i tamo ostaju da žive sve ove godine.

Muhamed je povremeno dolazio u Sarajevo, gdje je ponovo trebao doći za tri dana, radi studija. Trebao je da se preseli u stan na Otoci.

Tog kobnog dana, u subotu, poželio je panoramski let iznad Mostara i sam je sjeo u avion. Roditeljima se javio neposredno prije leta, poslao fotografiju kraj aviona uz pozdrav: Volim vas!

Šta se nakon toga dešavalo u avionu i šta je jedan rutinski let pretvorilo u tragediju, pokazat će istraga koja je u toku.